



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres

Tylkowski, Wojciech

Oliva, 1686

In Ascensione Domini.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

apud veteres fuit, ut patet ex Levit. Si quis eam quæ sibi competere uxorem noller, illo ei calcamentum solveret, qui ad hanc sponsus jure propinquitatis veniret. Joannes ergo, non est meum Sponsam habere Ecclesiam, atque ita non sum Messias. Ego Redemptoris nostri vestigia denudare non valeo, quia sponsi mihi nomen immeritò non usurpo. Greg. l. c. Ita latuit, sed interea & apud Judæos & apud Gentes reluxit, nam etiam modò à Turcis æstimatur, & hoc indicatur per illud, quia mel sylvestre & locustas comedit: ita enim hoc ipsum Christo applicando explicat Greg. in Job. Moralium 31. c. 12. Dominus quia infructuosa Gentilitatis dulcedinem sumpsit, mel sylvestre edit: quia verò Judæorum plebem in suo corpore ex parte convertit, locustas accepit, subitos saltus dantes, sed statim ad terram cadentes. Abscondit se in carcere Herodis, sed ut Chrysof. apud Barelet. Non opponas mihi Evangelistam inter ceteros magis dilectum, non Apostolorum Principem omnibus aliis antelatum, non vas electionis ad cæli tertii secreta translatum, nec Apostolicus splendor audeat occurrere Præcessori. Considera mansiones regni, & ordinem humanæ generationis obambula, solumque Joannem tum novis tum veteribus videbis præpositum. Nascitur Puer, & Ecclesia dicit. Elisabeth magnum virum genuit. Chrysol. ferm. 89. Joannes natus est ut nato in terris DEO suus Angelus non deesset.

In Ascensione Domini,

CUM Christus ascenderet, meritò admirabantur discipuli. Quia viderunt Corpus Christi naturâ grave vehi nube, quæ est solum vapor aquæ aut terræ halitus. Videbant Angelos adstantes, cœlos aperiri. Prov. 30. dixit Salomon. *Tria mihi difficilia, & quartum penitus ignoro. Viam aquilæ in cælo. Hoc est, dum velut Aquila suis viribus ascendit Christus. Viam navis in medio maris, dum passionis rubrum mare enavigaret. Vi-*

H

am co-

am colubri supra petram, dum velut serpens appensus in cruce, deinde è petra sepulchri refurget. *Viam viri in adolescentia, dum incarnaretur. Vadit Christus veluti Samson contractas secum deferens portas. Vadit velut David cum ense quo occidit Goliathum. In nube solitus loqui Patribus, modò illum suscepit nubes. Pro spinea corona, glorià & honore coronatur. Aspiciabant cœlum discipuli, quia Sol recedens radios retrahit: omnia verò nobis Pater dederat cum ipso. Sed non metuant discipuli. Hic qui ascendit constituitur à Patre velut Joseph Salvator Ægypti. *Dara est illi omnis potestas in cœlo & in terra. Ille cœlos referat & in illos captivam inducit captivitatem, transit sicut Arca per siccum Jordanis fundum, revidet quanta sit in cœlo vacuitas facta per Angelorum lapsum, & illam incipit implere. Hebr. 10. *En ascendis iter pandens inter nos. Parat nobis locum Joan. 14. *Vado parare vobis locum. Aliquibus locum Angelorum, aliis Archangelorum, &c. Advocat nos Luc. 22. *Ut edatis & bibatis super mensam meam. Modò sub mensa comedimus ut Adonisebec. Postquam consistet in cœlo funes demittet quibus nos ad se trahat Joan. 19. *Ego cum exaltatus fuero, omnia traham ad me. Inflammabit desideria nostra, sicut Sol quo altior, eò calidior. Et mittet ad nos in igne Paracletum, qui nos elevabit ut Sol nubem, hic Spiritus instar navis instituet Ecclesiam, erunt gubernatores Apostoli, arma Sacramenta, tela virtutes, Crux malus, & hanc ipse vento impellet vehementi.******

Si vidissemus ascendentem, clamassemus sicut Elifeus ad Eliam, Spiritum tuum duplicem da nobis. O quam ibi triste & lætum vale. Matri dicit, Tu interim mane pro solatio meorum. Apostolis volentibus simul ascendere. *Euntes docete omnes gentes. Magdalenæ, socia Matris meæ esto. Ecclesiæ suæ, paulò post magis refulgebis. Quia Luna quò remotior à sole magis*

magis lucet. Abacuc. 3. juxta LXX. *Exaltatus est Sol & Luna stetit in ordine suo.* Sol quo magis recedit à terra, magis calefacit, vivificat, ut patet æstate, initio pauci credebant, postea multi. Jam ascendit in cœlum, si pervenit una ad portum navis, spem bonam habent & aliæ. Si Dux evasit in arcem à se oppugnatam sperant & milites. Job. 36. *Ut annuntiet de ea amico suo, & quod sit possessio ejus, & quod possit ad eam ascendere.* Micheæ. 2. *Pandens iter ante eos.* Cyrill. lib. 5. de orat. *Primus ascendit ad Patrem instaurans nobis aditum ad cœlum.* Sicut arca ad Jericho & per Jordanem. Jam ergo, *Quæ sursum sunt sapite,* &c. Isai. 49. *Nunquid oblivisci potest mulier infantem suum, ut non misereatur Filio uteri sui? & si illa oblita fuerit, ego non obliviscar tui.* Sed Pf. 23. *Quis ascendet in montem Domini, &c. Innocens manibus, &c. Quid itatis aspicientes, quid otiamini?*

In Festo SS. Petri & Pauli.

Ædicaturus Moyses tabernaculum, assumpsit artifices Beseleel & Oliab. Aug. in Pf. 41. *Tabernaculum Christi in terra, est Ecclesia adhuc peregrinans. Faldensis, Beseleel & Oliab, sunt Petrus & Paulus, qui duo ædificârunt Ecclesiam Christi.* Beseleel idem est ac umbra DEI, Oliab, protectio Patris. Umbra DEI Petrus, umbra Petri sanabat ægros, Umbra. *Beatus es Simon Bariona, hoc est Filius columbæ.* Christus DEI Patris Spiritus S. columbæ. Hieron. l. 3. in Matth. 16. *Ex confessione sortitur vocabulum, quod revelationem ex Spiritu S. habeat, cujus & Filius appellandus sit.* Et sic est umbra quædam Filii Paulus, à DEO in tot periculis protegatur, de utraque S. Maxim. hom. 5. *Cujus sine meriti Beatissimus Petrus & Paulus, hinc possumus intelligere; quòd cum Dominus Orientis regionem propriâ illustraverit passione; Occidentis plagam, ne quid minus esset, horum Apostolorum sanguine*

H 2

illumi-